


sie, comme Vous scavés".

- 1) s. etwa EA V 2, 903 m
- 2) s. Susane/L'Infanterie V 259 Nrn. 659, 660
- 3) s. EA V 2; 904 b, 905 d
- 4)  =Jehan d'Athis?
- 5) s. etwa AH 50/16, 16A, 17, 17A, 19, 19A, 20, 20A, 22, 22A
- 6) s. Rott/Représentation IV 2, 205-207 sowie EA V 2, 931 b und 932 "zu b."
- 7) s. Rott/Représentation IV 2, 99-101, -140-142

Konzept, stellenweise stark überarbeitet und mit vielen Durchstreichungen. - AH 93, 224

129

1539 [Juni] 13.

A

TESTAMENT VON HEINRICH UTIGER, [VON BAAR], ZUGUNSTEN VON MARGARETHA ZÜRCHER, SEINER GATTIN

"Jch Albrecht Schmidt Oberster Weibell [=Grossweibel] unnd Burger Zug, Bekenn unnd thuon kundt allermengklichen, unnd vergich offenlichen mitt disem brieff, das ich uff Sinen dathum, uff den Hoff in Uttingen [=Utigen, Gem. Baar], an offner fryer strass, under heitterem Himell, offenlich zuo gricht gesässen bin, Jnnamen unnd anstatt, unnd von besonderem Empfelchs wägen, des fromen ... Oswaldt Tossen [=Toss], diser Zitt Aman Zug, mines gnedigen lieben Herren. Unnd kam alls da für mich unnd das geschworen gricht, der ...Heiny Uttinger, us Uttingen des Ratts, unnd offnett da vor mir in gericht, mitt ratt, durch sinen erloupten fürsprechen dem rechten vor unnd also, wie das er in den guotten willen komen sye sin guott zuo verordnen, zuo verschaffen und ze vermachen, Namlichen unnd des ersten, so sye er frünttlich unnd güttlich überkomen mitt siner Efrouwen Margrett Züricherin, so ouch yetzwoll under ougen Stundt, unnd Jren willen darin gab, ob sach were, das sy in überläben wurdy, das Jren dann von sinem verlassnen guott sölte werden, für ir zuobracht guott, thritheill morgendt gab, Eerechty und für allen ansprach, ... [100] pfundt geltz Zuger werung, unnd dartzu Sölle sy Her unnd meister sin, in sinem Huss ir läben lang. Ob sy aber doch einist uss dem Huss züchen wellte, wie Jren doch das fücklich were, Jedoch Söllendt sy die Sün, umb Söliche ... [100] pfundt geltz ussrichten unnd betzallen, nach hablicher noturfft, darmitt sy ir narung, dardurch gehalten moge, unnd darumb so sye er yetz hie vor gricht, unnd begär Sölich gemacht, unnd ordnung Siner vorge-

nantten Efrouwen mitt urtell unnd recht zuo bestetten, unnd uffzuo-  
richten, unnd Satztt damitt die sach zuo recht.

Haruff fragt ich der vogenannt richter, umb rechtes in gericht, uff  
den eidt gab gmein unnd einhelig urtell unnd rächt, das man nun ge-  
nantten Heiny Uttinger Sölle fragen, ob Sölichs gemächt sin gutter  
will sye, unnd Sölte demnach, witter beschächen was recht Sige, unnd  
alls man in gefragt, Gab er sin antwurtt, Ja es were also sin will  
unnd meinung. Daruff wardt witter mitt einheliger urtell unnd recht  
erkennt, Sittenmall unnd Sömluchs sin gutter will sige, das er nun  
dis gab unnd gemächt, Sölle uffgäben mitt mundt unnd mitt handt, an  
min des genantten richters stab, alss das ouch hiemitt beschach, wie  
urtell gab, demnach wardt dis vogenannt gab und gemächt, mitt urtell  
unnd recht, von min des genanten richters stab gäben unnd gelichen,  
der vogenanntten Frouwen, Margrett Züricherin in ir handt, umb ein be-  
scheidnen erschatz wie recht was, fürer unnd witter wardt mitt einhe-  
liger urtell erkennt, das dis vorgeschriben gab unnd gemächt, mitt  
uffgäben unnd empfachen, ouch mitt wortten unnd geberden, woll beschä-  
chen unnd vollvürtt sige, alles nach der statt unnd amt Zug, unnd  
Jres gerichts recht, Gutt und gewonheitt, unnd sölle ouch yetz unnd  
hinfür darby und mitt belyben es sye dan sach, das es yemandt, ein an-  
derwäg mitt recht absetzy, und begäre des yemandt brieff unnd urkundt,  
das Sölle Jnen von des grichts wägen gäben werden, alls des auch hie-  
mitt begärtt wardt.

Und des alles zuo einem waren vesten urkündt, aller vorgeschribnen  
dingen, So han ich erstgenantter richter Albrecht Schmidt mitt ernst-  
lichem fliss erbätten den vorgemälten minen Herren unnd Aman, Oswaldt  
Tossen, das er vor us unnd abe, Jm und allen sinen Erben unnd nachko-  
men one schaden ... Sin eigen Jnsigell, offenlichen hatt lassen thruk-  
ken, uff disen brieff ...

Hieby unnd mitt warendt die ... Hanns Wulffly [=Wulflin] allt Seckell-  
meister [der Stadt Zug] und des [Stadt- und Amt]ratts Zug, unnd Hanns  
Widmer von Ba[a]r, beidt rechte geschworne fürsprechen, unnd ander er-  
ber lütt.

[gez.] Jacobus Koly [=Kolin]  
St[adtschreiber]"

---

Original, mit Siegel; ev. aus dem Besitze von Konrad I. Zurlauben.  
AH 93, 225-226 - Blatt 226<sup>f</sup> leer